



**TEKS UCAPAN**  
**MAJLIS PELANCARAN**  
**KEMPEN PENINGKATAN PRODUKTIVITI**  
**GETAH NEGERI PERLIS 2008**

OLEH:  
YG. BHG. DATO' ALI NORDIN BIN WAHIDUDDIN  
TIMBALAN KETUA PENGARAH (PEMBANGUNAN)RISDA

TEMPAT: KG. KOK KLANG

TARIKH: 10 MEI 2008  
MASA : 10.30 PAGI

- Yang Berusaha Pengacara Majlis
- Yang Amat Berhormat Dato' Dr. Md. Isa bin Sabu  
Menteri Besar Perlis
- Yang Berhormat Tuan Bakri bin Dato' Ali  
Pengerusi J/ Kuasa Pelancongan, Kesihatan dan  
Pembangunan Luar Bandar
- Yang Berhormat AMMK Negeri Perlis
- Yang Berhormat Tuan Mansor bin Jusoh  
ADUN Chuping
- Yang Berhormat- Yang Berhormat

- En Radzuan bin Mohd. Diah  
Pengarah RISDA Negeri Perlis
  
- Ketua-Ketua Jabatan Negeri Perlis
  
- Ahli JKKK dan Imam Masjid
  
- Pegawai-Pegawai RISDA
  
- Serta Tuan-Tuan dan Puan-Puan yang dihormati sekalian

3

**Assalamualaikum w.b.t dan Salam Sejahtera,**

### **1. Penghargaan**

Alhamdulillah, bersyukur kita ke hadrat Allah S.W.T. kerana dengan limpah kurnia dan izinNya dapat kita berkumpul pada pagi yang mulia ini di Kg. Kok Klang yang serba indah dan menarik ini bagi Majlis Pelancaran Peningkatan Produktiviti Getah Peringkat Negeri Perlis Tahun 2008 .

Terlebih dahulu saya mengambil kesempatan di sini untuk menyampaikan salam daripada Yang Berbahagia Dato'

4

Mohammad Izat Hasan, Ketua Pengarah RISDA yang tidak dapat hadir pada hari ini kerana terlibat dengan urusan rasmi yang lain. Saya juga mengambil kesempatan di sini merakamkan setinggi-tinggi penghargaan dan terima kasih kepada Y.A.B. Dato' Dr. Md. Isa bin Sabu, Menteri Besar Perlis kerana sudi melapangkan masa untuk hadir bersama-sama kita pada hari ini serta merasmikan Majlis Pelancaran Peningkatan Produktiviti Getah Peringkat Negeri Perlis Tahun 2008 pada pagi ini. Kita semua berasa bertuah kerana mempunyai pemimpin yang begitu prihatin dan mengambil berat tentang masyarakat luar bandar khususnya

5

pekebun kecil walaupun jadual Y.A.B. Dato' amat padat dengan program rasmi Kerajaan Negeri yang lain. Kehadiran Y.A.B. Dato', insya'Allah akan menjadi pendorong dan menyemarakkan lagi semangat RISDA serta semua Pekebun Kecil Negeri Perlis untuk terus berusaha bagi meningkatkan dan memperbaiki sosio-ekonomi masyarakat pekebun kecil.

Saya juga mengambil peluang di sini untuk mengalu-alukan kehadiran semua pekebun kecil Negeri Perlis ke Majlis Pelancaran pada hari ini. Kehadiran tuan-tuan dan puan-

6

puan menjadi pendorong kepada RISDA untuk memberi perkhidmatan terbaik kepada pekebun kecil dan penduduk di luar bandar khususnya dan juga industri getah keseluruhannya.

**Tuan-Tuan dan Puan-puan yang dihormati sekalian,**

## **2. Tujuan Kempen**

Tujuan Kempen Peningkatan Produktiviti Getah ini dilancarkan adalah untuk:

7

- 2.1 Meningkatkan hasil getah melebihi 2000 kg sehektar setahun.
- 2.2 Meningkatkan pendapatan pekebun kecil ke tahap RM 2000.00 sebulan sekeluarga pada penghujung RMK 9.
- 2.3 Mewujudkan satu pembudayaan aktiviti khidmat pengembangan getah matang di kalangan pekebun kecil.

8

- 2.4 Mempergiatkan aktiviti khidmat pengembangan kepada golongan sasar khususnya dibawah kategori produktiviti getah matang.

### **3. PENINGKATAN PRODUKTIVITI**

Sektor pekebun kecil menyumbang *95.4 peratus* kepada pengeluaran getah negara. Walaupun mereka adalah penyumbang utama pengeluaran getah negara, mereka masih lagi berhadapan dengan masalah-masalah yang berlarutan seperti saiz kebun yang kecil dan tidak ekonomik, tenaga kerja yang kurang, umur pekebun kecil yang

9

meningkat tua. Dan kesemua ini membawa kepada produktiviti dan pendapatan yang rendah dan menjurus kepada kemiskinan. Pada masa ini pengeluaran hasil kebun getah pekebun kecil amat rendah berbanding dengan hasil sebenar yang boleh dikeluarkan mengikut jenis klon getah. Hasil keluaran pekebun kecil hanya dalam lingkungan 1,599 kg/hektar setahun. Sedangkan hasil sebenar purata boleh mencapai 5,400 kg/sehektar/setahun.

Analisis Produktiviti Getah menunjukkan Produktiviti Getah Pekebun kecil telah meningkat dari 1,372 kg/hek/tahun pada tahun 2006 ke 1,599 kg/hek/tahun pada tahun 2007 iaitu peningkatan sejumlah 16.5 %. Saya dengan penuh ikhlas mengucapkan ribuan terima kasih di atas komitmen dan kesungguhan yang ditunjukkan oleh Tuan-Tuan dan Puan-puan. Walau bagaimanapun, usaha-usaha untuk meningkatkan pengurusan dan peningkatan produktiviti kebun masih perlu dilaksanakan berterusan secara terancang dan teratur supaya kebun getah dapat mengeluarkan hasil dalam tempoh 41/2 tahun dan

11

mengeluarkan hasil tidak kurang daripada 2,000 kg/hek/tahun. Antara usaha-usaha yang dilaksanakan termasuk:

**a. Penubuhan kelab 2000**

Bermula tahun 2007, RISDA telah menubuhkan Kelab 2000 untuk getah bertujuan untuk menggalakkan pekebun kecil berusaha dengan gigih untuk memastikan mereka mengamalkan amalan pertanian yang baik (Good Agricultural Practices) untuk memperoleh hasil 2000 kg/hektar/tahun. Mereka yang berjaya mencapai penghasilan yang tinggi iaitu

12

melebihi 2000 kg sehektar setahun diterima menjadi ahli kelab dan akan menerima beberapa kemudahan yang disediakan oleh RISDA. Antaranya adalah seperti berikut:

- i. Diberi keutamaan untuk menerima klon-klon getah dan benih-benih tanaman yang baik.
- ii. Diberi keutamaan untuk menyertai seminar, bengkel atau sebagainya yang dianjurkan oleh RISDA.
- iii. Berpeluang untuk menyertai program lawatan sambil belajar ke tempat-tempat yang berfaedah.

13

- iv. Menjadi tenaga pengajar kepada peserta kursus teknologi anjuran RISDA yang dijalankan di Institut Kemajuan Pekebun Kecil (IKPK).

Setakat ini, seramai 2,788 orang pekebun kecil telah menjadi ahli kelab dengan penghasilan kebun melebihi 2,000 kg/hek/tahun untuk getah. Manakala untuk sawit, seramai 81 orang telah menjadi ahli kelab 30 mt/hek/tahun. Di Perlis, keahlian Kelab 2000 yang telah di daftar hanya seramai 12 orang pekebun kecil sahaja dan sasaran ahli Kelab 2000 di Perlis adalah seramai 208 orang. Walau bagaimanapun saya difahamkan terdapat 139 orang pekebun kecil yang mampu

14

memperolehi hasil melebihi 2000 kg/hek/tahun dengan menggunakan amalan teknologi yang disarankan. Syabas! Ini membuktikan produktiviti kebun getah boleh ditingkatkan jika diuruskan dengan baik selain menggunakan klon yang disyorkan, penggunaan bahan serta alat rangsangan dan pembajaan mengikut jadual.

#### **b. Pelaksanaan Impian 500**

Mulai tahun 2008, RISDA telah mewajibkan kepada semua pekebun kecil yang akan menanam semula kebun mereka

15

dengan tanaman getah dikehendaki menanam pokok getah dengan bilangan melebihi 550 pokok setiap hektar. Tindakan seumpama ini penting bagi memastikan supaya kebun-kebun tersebut mengandungi bilangan pokok tidak kurang daripada 500 pokok ketika mula membuka tapak torehan atau bila dibayar bantuan terakhir.

Jika berlaku kekurangan dalam tempoh tersebut, RISDA akan membantu pekebun kecil supaya menyulam pokok yang mati dengan pokok yang lain. Bilangan pokok getah dalam sesebuah kebun penting kerana ia menjadi salah satu faktor penentu

16



kepada jumlah produktiviti atau pengeluaran yang dihasilkan oleh sesebuah kebun berkenaan.

### **c. Program Pengekalan Pengeluaran Getah (PPG)**

Tuan-tuan dan puan-puan sekalian, salah satu usaha untuk meningkatkan pendapatan pekebun kecil adalah memastikan hasil getah dikeluarkan sepenuhnya. Sehubungan dengan itu Program Pengekalan Pengeluaran Getah (PPG) telah diperkenalkan oleh RISDA pada tahun 2005 supaya pekebun kecil dapat meningkatkan kecekapan dan produktiviti getah ke tahap minimum 2000 kg sehektar setahun melalui amalan

17

teknologi terkini. Input Pertanian yang dibekalkan termasuk baja, racun rumpai, etefon/Mortex dan RRIMFlow/G-Flex. PPG di laksanakan supaya pekebun kecil :

- i. Memulihkan kebun getah matang yang tidak terurus mengikut amalan agronomi yang baik supaya menjadi produktif.
- ii. Memastikan kebun getah matang tidak terbiar ditoreh atau ditoreh semula.
- iii. Memastikan kebun getah matang yang menyertai ppg terus ditoreh dan diurus mengikut amalan agronomi yang baik.

18

- iv. Meningkatkan kecekapan dan produktiviti kebun getah matang ke tahap minimum 2000 kg/hektar/tahun.

### **Peruntukan 2008**

Bagi tahun 2008, Pengurusan RISDA telah memperuntukkan sebanyak RM 5,800,000 bagi Program Peningkatan Produktiviti Getah dan daripada ini, sejumlah RM 70,000 dikhaskan untuk Negeri Perlis

### **d. Program Pemantauan Teknologi 3:3:1:3**

Program ini mula dijalankan pada tahun 2003 dan bertujuan untuk mengesan impak peningkatan produktiviti getah melebihi 2000 kg/hektar/tahun melalui amalan agronomi dan teknologi LITS. Sehingga Disember 2007, jumlah kebun getah matang yang di pantau adalah sebanyak 12,899 kebun. Daripada jumlah ini, RISDA Perlis telah berjaya memantau sebanyak 140 kebun getah matang.

### **e. Khidmat Pengembangan/Pendamping/Latihan**

Di samping usaha-usaha lain, khidmat pengembangan/latihan formal dan informal serta pendampingan dalam

bidang produktiviti kebun juga dijalankan bagi memantapkan lagi amalan pertanian yang baik. Bagi RISDA, pembangunan ahli isi rumah perlu diberi penekanan sebagai jaminan untuk meningkatkan pendapatan keluarga serta taraf hidup masyarakat pekebun kecil dan luar bandar. Ini dilaksanakan dengan penubuhan Institut Kemajuan Pekebun Kecil (IKPK) bagi memastikan Pekebun kecil dapat meningkatkan produktiviti kebun disamping anak-anak pekebun kecil dapat meneruskan pendidikan ke taraf yang lebih tinggi.

## **11. Penutup**

*Ada pangkal,ada hujungnya*

*Ada tengah,ada tepinya*

*Ada laut ada pantainya*

*Ada malam ada subuhnya*

*Ada hulu ada muaranya*

*Ada kepala ada ekornya*

*Ada mula ada akhirnya*

*Ada awal ada penyudahnya*

*Ada pintu ada tirainya*

*Ada periuk ada tudungnya*

*Ada pembuka ada penutupnya....*

Sekali lagi saya mengucapkan ribuan terima kasih kepada Yang Amat Berhormat Dato' Dr. Md. Isa bin Sabu, Menteri Besar Perlis atas kesudian untuk menghadiri Majlis RISDA pada hari ini. Juga kepada terima kasih kami kepada YB /Dato' para jemputan serta pekebun kecil yang hadir. Tidak ketinggalan juga terima kasih kepada En Radzuan Mohd. Diah, Pengarah RISDA Perlis serta Jawatankuasanya yang

23

telah bekerja kuat untuk menjayakan Majlis ini. Hanya Allah sahaja yang dapat membalas segala usaha Tuan-tuan.

Sekian. **Wabillahi Taufik Walhidayah , Wassalamualaikum w.b.t**

**Wassalamualaikum Warahmatullahi wabarakatuh.**

24

